

REVERENDISSIMI ET CELSIS-
SIMI PRINCIPIS AC DOMINI DOMINI
ANTONII THEODORI DEI GRATIA
ARCHI-EPISCOPI OLOMUCENSIS, DUCIS, S. R. I.
PRINCIPIS, REGIÆ CAPELLÆ BOHEMIÆ, NEC NON A
COLLOREDO ET WALDSEE COMITIS &c. VICARIUS IN
SPIRITUALIBUS GENERALIS ET OFFICIALIS JOANNES
MATHIAS EQUES DE ROLSBERG, DOMINUS IN KIRCH-
WIEDERN ET MAYRES, METROPOLITANÆ ECCLESIAE
OLOMUCENSIS PRÆLATUS PRÆPOSITUS INFULATUS,
ET CANONICUS SENIOR, TOTUMQUE ARCHI-
EPISCOPALE OLOMUCENSE
CONSISTORIUM.

Univerſo Venerabili Clero Curato Marchio-
natus Moraviæ, & Ducatus Sileſiæ Auſtriacæ Archi-
Dieceſis Olomucenſis Salutem in Domino
ſempiternam.

In recenti adhuc vigeſcit memoria Sux Sacratiffimæ Maieſtatis Ordina-
tio mediante Circulari Noſtro de 29. proxime elapſi Menſis Septem-
bris Univerſo Clero intimata, ut nimirum Archi-Epiſcopi, & Epiſcopi
in Cauſis, ubi inter Sponſos impedimentum ex Lege naturali vel Divi-
na non promanans ſubverſatur, jure ſuo ſibi a DEO immediate conſeſſo
utantur, atque ſemoto ad Sedem Pontificiam Reſuſu Oratoribus Diſpen-
ſationem erga moderatam Cancellariæ Taxam impertiantur, hacque de
cauſa nemo ſub graviffima animadverſione Romam vel ad Nuntiaturam
pro Diſpenſatione recurrere præſumat, & Parochi Sponſos impedimento
laborantes erga nullam aliam, quam proprii Ordinarii Diſpenſationem
ſub poena Sequeſtrationis Proventuum copulent.

In conſequentiam hujus altiffimæ Diſpoſitionis placuit Auguſtiſſi-
mo Principi Terræ per Decretum Auſticum de 25. præteriti Menſis Octo-
bris ulterius Clementiffime ordinare, ut poſtquam Dominis Ordinariis
potestas etiam ſuper Criminis, aliſque impedimentis occultis diſpenſandi
neutiquam controverti poteſt, perconſequens nulla neceſſitas pro hujus-
modi Diſpenſatione ad Poenitentiariam recurrendi ſubeſt, Ipli Domini
Ordinarii etiam in impedimentis occultis Jure proprio diſpenſent, ob-
ſervata tamen jam alias uſitata modalitate, ut Parochi vel Confeſſarii
ad præcavendum manifeſtationis periculum Diſpenſationem teſto Nomine
petant.

Qua-

Quare etiam hanc altissimam Ordinationem de expresso Sux Re-
verendissimæ Celsitudinis Mandato Univerſo Clero Curato Sæculari & Re-
gulari eo fine insinuamus, ut toties quoties impedimentum occultum in
vel extra Confessionem innotuerit, casum huic Archi-Episcopali Offi-
cio sub fictis Nominibus ad Effectum gratis obtinendæ Dispensationis
genuine & circumstantialiter proponant, & quia impedimenta occulta
plerumque circa matrimonium jam Contractum evenire solent, simul in-
formant: an tempore contracti Matrimonii utraque vel alterutra tantum
pars subversantis impedimenti gnara vel ignara fuerit, & an impedimen-
tum ita occultum sit, ut nullum manifestationis periculum subversetur;
Idque pro primo

Pro secundo præcepimus districtim Clero Moraviæ jam sub 7. Ja-
nuarii 1771. ut, quotiescunque Miles Extractum Matricæ petiverit, hunc
absque tergiversatione prono animo parent, & præter Chartam signatam,
quam Miles omnino adferre vel refundere tenetur, nullam simpliciter
Taxam, vel si tamen Miles visis Circumstantiis Solutionem facile præ-
stare posset, hanc non nisi moderatam exigant.


Cum autem Cæsareo-Regia Generalis Præfectura Inclyto Cæsa-
reo - Regio Gubernio querulando exposuerit, quod Milites ad tempus
definitum licentiatum attestata Copulationis, Baptismatis vel mortis, quæ
suis Legionibus exhibere debent, Clero Curato caro pretio solvere co-
gantur;

Ideo ex nutu prælaudati Dicasterii Regii animarum Curatoribus
hisce demandamus, ut Militibus ad tempus definitum licentiatum & extra
Jurisdictionem Militarem matrimonium contrahentibus prædicta Attestata
fine charta signata, & sine omni simpliciter solutione, quam primum
petita fuerint, extradant.

Quæ ut quoad unum & alterum passum exacte observentur, Do-
mini Archipresbyteri & Decani præsens Decretum suis subordinatis indi-
late publicare noverint.

Decretum in Curia Archi-Episcopali Olomucii die 19. Novem-
bris 1781.

JOANNES
MATHIAS
EQUES DE ROLSBERG
Vicarius Generalis
& Officialis.



Joannes Norbertus Bergmann,
Assessor, & Notarius.

Leinhardum.

REVERENDISSIMI ET CELSISSIMI PRINCIPIS AC DOMINI DOMINI ANTONII THEODORI DEI GRATIA ARCHI-EPISCOPI OLOMUCENSIS, DUCIS, S. R. I. PRINCIPIS, REGIÆ CAPELLÆ BOHEMIÆ, NEC NON A COLLOREDO ET WALDSEE COMITIS &c. VICARIUS IN SPIRITUALIBUS GENERALIS ET OFFICIALIS JOANNES MATHIAS EQVES DE ROLSBERG, DOMINUS IN KIRCHWIEDERN ET MAYRES, METROPOLITANÆ ECCLESIAE OLOMUCENSIS PRÆLATUS PRÆPOSITUS INFULATUS, ET CANONICUS SENIOR, TOTUMQUE ARCHIEPISCOPALE OLOMUCENSE CONSISTORIUM.

Univerſo Clero Regulari Sileſiæ Auſtriacæ
Archi-Diœceſis Olomucenſis Salutem
in Domino ſempiternam.


Decrevit Sua Sacra Cæſareo-Regia Apoſtolica Majeſtas ſub 9. elapſi Menſis Novembris in Vim Legis, ut, ſi Religioſum Via Diſpenſationis a Votis Regularibus ſolvi, & ad Statum Cleri ſæcularis tranſire contigerit, is reſpectu Bonorum, quæ durante Votorum Obligatione, ſeu ſtante Rerum temporalium Obligatione ad alios Hæredes ab inteſtato tranſiverunt, nullo poſtliminii Jure gaudeat, ſed præfati Hæredes in acquiſito ſemel Jure manuteneantur, e contra vero ejusmodi Religioſus ſæculariſatus a Die ſuæ Sæculariſationis omnium Hæreditatum, aliarumque Acquiſitionum etiam per Donationes omnimode capax ſit.

Hanc

Hanc altissimam Dispositionem proinde universo
Clero Regulari pro Notitia, & Directione hisce no-
tam facimus, & præsens Decretum per Dominos
Archi-Presbyteros & Decanos Superioribus Regula-
rium in Decanatu existentium indilate communicari
volumus.

Decretum in Curia Archi-Episcopali Olomucii
Die 10. Decembris 1781.

JOANNES
MATHIAS
EQUES DE ROLSBERG
Vicarius Generalis
& Officialis.



Joannes Norbertus Bergmann,
Assessor, & Notarius.

REVERENDISSIMI ET CELSISSIMI PRINCIPIS AC DOMINI DOMINI ANTONII THEODORI DEI GRATIA ARCHI-EPISCOPI OLOMUCENSIS, DUCIS, S. R. I. PRINCIPIS, REGIÆ CAPELLÆ BOHEMIÆ, NEC NON A COLLOREDO ET WALDSEE COMITIS &c. PRÆSES, TOTUMQUE ARCHI-EPISCOPALE OLOMUCENSE CONSISTORIUM.

Venerabili Clero Ducatus Silesiæ Austriacæ
Archi-Diœcesis Olomucensis Salutem
in Domino sempiternam.

Notum fecit Suae Reverendissimæ Celsitudini Inclytum Cæsareo-Regium Officium Oppavenum mediante Decreto Aulico de 6. proxime lapsi Mensis & Anni sibi Assurationem factam fuisse, quod ratione Brevium Indulgentiarum, a Clero Silesiæ anno superiore originaliter jam exhibitorum altissima Cæsareo-Regia Resolutio suo tempore sequetur.

Cum autem Tenore ejusdem mox citati Decreti Aulici perhibeatur, quod simpliciter omnes etiam de præterito existentes Bullæ Pontificiæ, Brevia, Indulta, & Concessionem ad retinendum pro futuro suum vigorem Placito Regio provideri debeant.


Ideo de expresso Suae Reverendissimæ Celsitudinis Mandato universo Clero tam Sæculari quam Regulari Ducatus Silesiæ Austriacæ hisce præcipimus, ut omnes & singuli, qui Bullas aliquas Pontificias, Brevia, Indulta, & cujuscunque Nominis Concessionem possident, quas vel plane non, vel solummodo in Authenticis vel simplicibus copiis aut extractive exhibuerunt, has omnes in Originali cum adnectendis genuinis Copiis intra bis 24. horas suis Dominis Decanis - hi vero easdem una cum propriis, si quas adhuc habent, sine mora Nobis transmittant, ut easdem mediante Sua Reverendissima Celsitudine ad prælaudatum Cæsareo-Regium Officium Oppavenum pro consequendo Placito Regio promovere valeamus.

Quam

Quam Ordinationem Domini Decani non modo suis Subordinatis, sed etiam Superioribus Regularium intra Decanatum existentium insinuare, desuper suas Relationes & memoratarum qualiumcunque Concessionum Pontificiarum Exhibitiones accelerare noverint.

Decretum in Curia Archi-Episcopali Olomucii die 10. Januarii 1782.

OTTO
ANTONIUS
MINCKWITZ
Dominus & L. Baro
A MINCKVITZBURG
Præses Consistorii.



Joannes Norbertus Bergmann,
Assessor, & Notarius.

Skanowanie i opracowanie graficzne na CD-ROM :



ul. Krzemowa 1

62-002 Suchy Las

www.digital-center.pl

biuro@digital-center.pl

tel./fax (0-61) 665 82 72

tel./fax (0-61) 665 82 82

Wszelkie prawa producenta i właściciela zastrzeżone.

Kopiowanie, wypożyczenie, oraz publiczne odtwarzanie w całości lub we fragmentach zabronione.

All rights reserved. Unauthorized copying, reproduction, lending, public performance and broadcasting of the whole or fragments prohibited.